



Inatsisartunut ilaasortaq, Aqqalu C. Jeremiassen, Atassut
Inatsisartut Allattoqarfiat
/Maani

**Ingerlatseqatigiiffinni Namminersorlutik Oqartussanit pigineqartuni
unammillerneq pillugu § 37 malillugu apeqqut nr. 2020/78-imut akissutit.**

03-06-2020

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Aqqalu C. Jerimiassen,

Ingerlatseqatigiiffinni Namminersorlutik Oqartussanit pigineqartunit unammillerneq pillugu Inatsisartut suleriaasianni § 37 naapertorlugu Naalakkersuisunut apeqquteqaateqarputit. Apeqqutigisatit uannit akisassanngortinneqarsimapput.

Apeqqutigineqartut ima oqaasertaqarput:

- 1. Naalakkersuisut arlaatigut aaliangersagaqarnerpat, suliffeqarfinnut tamakkiisumik pisortanit pigineqartunut unammilleqatigiinnikkut innarlinnginnissaanik maleruaqqusanik?**

Ingerlatseqatigiiffiit namminersorlutik oqartussanit pigineqartut, ingerlatseqatigiiffinnut inatsimmut atuuttumut, kiisalu Unammilleqatigiinneq pillugu Inatsisartut inatsisaannut nr. 1, 15. maj 2014-imeersumut aallaaviatigut + ilaammata, Naalakkersuisut ilisimatitsissutigisinnaavaat. Taamatut ingerlatseqatigiiffinnut namminersorlutik oqartussanit pigineqartunut “*Namminersorlutik Oqartussat pigisaanni ingerlatseqatigiiffinni ingerlatseqatigiiffinnik aqutsilluar-nissamut najoqqutassiaqarpoq*” aamma “*Namminersorlutik Oqartussat aktiaate-qarluni ingerlatseqatigiiffiini tamakkiisumik ilaannakortumilluunniit pigineqar-tuni piginnittuunermut tunngasut taakkunanilu ineriartorneq pillugit nassui-aateqarpoq*” tamannalu ingerlatseqatigiiffiit aqqunneqarnerinut ingerlatseqa-tigiiffinnilu Naalakkersuisut piginnittuunermik ingerlatsinerinut atortuupput pingaaruteqartut.

2. Naalakkersuisut pissusissamisoorsorinerpaat suliffeqarfiit pisortat pigisaat, assersuutigalugu angalatitseqatigiiffiit akinik aaqqissuinnarsinnaanerat namminersortut akitigut unammillersinnaanngisaanik?

Ingerlatseqatigiiffiit namminersorlutik oqartussanit pigineqartut sulinerat inatsit atuuttoq naapertorlugu aaqqissuunneqassaaq, niuerfimmi unammillerfiusumi akit aalajangersaaffigineqarnerat ingerlatseqatigiiffinnit ataasiakkaanit isumagineqassaaq. Suliffeqarfissuaq Air Greenland aningaasaqarnikkut immikkoortutut ataatsit isigineqarpoq. Ingerlatseqatigiiffinnili pigisani akunnittarfinnik ingerlat-sineq angalatitsisarfiilu immikkoortinneqarput, taamaalillunilu inatsisilerinikkut immikkoortutut immikkoorlutik, nioqutissiaminnik namminneq akitigut aalajangersaasinnaallutik.

Akit aalajangersaaffigineqartarnerannut tunngatillugu Air Greenlandimi aqutsisut oqaatigisinnaavaat, ” *tamanna suliffeqarfissuup nioqutissiaanut tamanut tunngatillugu atuuppoq, pisiniartartut ataasiakkaat pisiniartartut attuumassuteqarnerat akigititamut aalajangiisuuvoq. Ataasiakkaanut akigititamut ataatsimut soorlu timmisartumi billetsinut aamma/imaluunniit akunnittarfimmi unnuinermut ataasiakkaanut akigititamut ataatsimut annertuumik pisisartup qanoq angusaqarnerata qanoq annertutiginera, tassanilu suliassaqarfimmi nalinginnaasuuvoq, akigititap aalajangersaaffiginerani aallaaviusarpoq.*

Air Greenland suliffeqarfissuuartut “suliffeqarfissuup nioqutissiaanik” namminersorlutik inuussutissarsiortutut pisiniartunut, matumani ilanngullugu tuniniaasunut angalatitsivinnullu neqeroornissamut periarfissaqarpoq. Suliffeqarfissuup nioqutissiaanut neqeroortigineqartartunut tunngatillugu, Air Greenlandip nammineq angalatitsivianut, Nunatta Angalatitsivia (Greenland Travel), nioqutissianut taakkununga akigititanik aalajangiineq nioqutissiap, akiata appasinnerpaaffissaa sapinngisamik appasinnerpaaffigisinnaasaa aallaavigineqartarpoq. Tamanna pisarpoq Annerusumik piumaneqarnerulersinniarluni, kiisalu pisinermut soorlu inip qanoq issuianut, nerisaqarnermut kiisalu misigisassanik pisinissamut pisiniartoq toqqaanissamut periarfissinnissaanik kissaateqarneq aallaavigalugu.

Suliffeqarfissuup ataatsimoortunik tunisassiaanut, aningaasartuutit katinnerat ataallugu akigitinneqartumut ilaangilaq. Taamaalilluni suliffeqarfissuup timmisartuutiqatigiiffianut inatsisitigut unammilleqatigiinnermut malittarisassat atuuttut Air Greenlandip malippai. Angalatitsivimmu akunnittarfirmullu tunngatillugu taakkua niuerfiusuni suliaqartarput, taamaattumik inatsisitigut unammilleqatigiinnermut malittarisassat toqqaannartumik maanni atorneqann-gillat. Taamaattorli qulaaniittut pillugit innersuutigineqarsinnaavoq, akigititamut aalajangiinnermi nioqutissianut pisarineqartunut assigiinngissutsimut

amerlassutit aalajangiisuummata, kiisalu aningaasartuutit katinnerat ataallugu nioqqutissiat neqeroorutigineqartanngimmata.”

Ilanngullugu oqaatigineqarsinnaavoq, ingerlatseqatigiiffiit ataasiakkaat Namminersorlutik Oqartussanit pigineqartut ullumikkut malittarisassatigut, akuersissuteqarnikkut kiffartuussinissamulluunniit isumaqatigiissuteqarnikkut immikkut inatsisitigut aaqqiissuteqarfigineqartarmata. Naalakkersuisut qularutiginagu oqaatigissavaat Naalakkersuisut ingerlatseqatigiiffinnut Namminersorlutik Oqartuissanit pigineqartunut maannakkut sunniuteqarsinnaanissaat eqqarsaatalugulu nakkutilliinissamut periarfissat taaneqartut nammammata.

Aktiaateqarluni Ingerlatseqatigiiffiit namminersorlutik oqartussanit pigineqartut sulineri inatsisinut kiffartuussinissamillu isumaqatigiissutaasunut naapertuut-tumik aaqqissugaaneri Naalakkersuisut akuersaarpaat. Naalakkersuisut isumaqarput ingerlatseqatigiiffiit Namminersorlutik Oqartussanit pigineqartut suliassaat suli peqqussutit, inatsisitigut tunngaviliunneqartut akuersissutilluunniit ataasiakkaat aqqutigalugit takuneqarsinnaasut atorlugit suli suliarineqartassasut. Angalatitseqatigiiffimmut namminersorlutik oqartussat pigisaannut tunngatillugu, suliaqartut allat assigalugit niuerfimmi unammillerfiusutut oqaatigineqartumi suliaqarnermik taanna ingerlatsisinnaavoq.

3. Naalakkersuisut pilersaaruteqarnerlutik unnuisarfiit pisortanit pigineqartut namminersortunngorsariartuaarneqarsinnaanerannik?


Maannamut Naalakkersuisut unnuisarfiutimik namminersortunngorsarnissaannut periarfissat oqaluuserinikuunngilaat..

Air Greenlandip akunnittarfiutiminik namminersortunngorsaanissaanik kissaateqarnek, aqutsisut akisussaaffigaat oqaasissaqarfigalugulu isummerfissaraat. Taamaattoq apeqqut taamatut isikkulik Air Greenland A/S-mut apeqqutigisariaqarpoq.

Inussiarnersumik inuulluaqqusillunga



Kim Kielsen



15. Maj 2020

Aqqalu C.Jerimiassen

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

- 1. Naalakkersuisut arlaatigut aaliangersagaqarnerpat, suliffeqarfinnut tamakkiisumik pisortanit pigineqartunut unammilleqatigiinnikkut innarlinnginnissaanik maleruaqqusanik?**
- 2. Naalakkersuisut pissusissamisoorsorinerpaat suliffeqarfiit pisortat pigisaat, assersuutigalugu angalatitseqatigiiffiit akinik aqqissuinnarsinnaaner at namminersortut akitigut unammillersinnaangisaanik?**
- 3. Naalakkersuisut pilersaaruteqarnerlutik unnuisarfiit pisortanit pigineqartut namminersortunngorsariartuaarneqarsinnaanerannik?**

(Inatsisartuni ilaasorta q Aqqalu C. Jerimiassen, Atassut)

Tungavilersuut

Nunatsinni unammilleqatigiinnikkut inissisimaneq arlalitsigut equngasumik inissisimavoq, assersuutigalugu takornariaqarnerup iluani unnuisarfinnut ussassaarisoqartillugu, Greenland Travel Air Greenlandip pigisaa, akikinnerungaartunik akinik tunniussaqaqtarpoq angalanermut unnuinissamullu tunngatillugu Air Greenlandip pigisaasa iluini.

Assersuut; Nuummiik Ilulissanut Hotel Arcticimi unnuinertalerlugu aki piusoq kialluunniit namminersortup taamatut isikkoqartillugu akilersinnaasunngortissinnaangilaa unnuisarfimmi billetsinulluunniit akikillisaanneqarunnginnami.

Uanilu suliffeqarfiup iluani aningaasanik kaavisitserusaarneq ingerlanneqarpoq namminersortunik aqqusaangaqanngilluinnarluni. Akinik assigiinngitsunik angalatitseqatigiiffinnut allanut ilumut pisortat piginnisaannut unammillerneq pissusissamisuunngimmat ipisaanerullunilu, paaserusunnarpoq assut sooq pisortat pigisaat kisimik iluminni taamak akinik pilersitseqatigiiffiqattaassinnaanersut illuanilli nunatsinni namminersortuaqqat angalatitseqatigiiffeqaatut ingerlasut taamatut periarfissinneqarsinnaangisaannarlutik.

Tamannamita sooq Atuisartoqarnermut Unammilleqatigiinnermullu Aqutsisoqarfimmiik maluginiarneqanngila?

Ullut suliffiusut qulit qaangiutsinnagit akineqarnissara kissaatigaara.